

**KHLAD NOH I KONG DIMPLEMON KHARKONGOR**



I Kong Dimplemon Kharkongor khun jong I(L) Shansing Lyngdoh Mawlong bad I Kong Happiness Kharkongor ba sah ha Nongthymmai Jyllishop i la khlad noh na kane ka pyrthei ha ka 20 tarik Rymphang 2025 bad ka jingleit on tep ia kaba sah jongi kan long ha ka 22 tarik Rymphang 2025 ha ka por Ipm ha u Lum Jintep ka Balang Presbyterian Nongthymmai ha Mawblei.

## Mynta yn rai ki 13 lak ngut ki nongthep vote ia ka samoi san snem ki 272 ngut ki kyrtong

**Shillong, Rymphang, 20:** Ka jinglalap elekshon sha ki ar tylli ki Autonomous District Councils (ADC) ha rilum Khasi bad ha rilum Jaiñtia ka la kut noh ha ka sngi Balang bad ha ka sngi Thohtdieng ki 13,08,818 lak ngut ki paidbah nongthep vote na rilum Khasi bad Jaiñtia kin sa jied ia ki nongmihkmat ba thymmai sha ka KHADC bad ka JHADC napdeng ki 272 ngut ki kyrtong kiba aireng ha kane ka elekshon.

Ha KHADC ki don 158 ngut ki kyrtong ba kyntup ia ki 146 ngut ki shynrang bad 12 ngut ki kyntup bad



ha JHADC ki kyrtong ki don 114 ngut ba kyntup 107 ngut ki shynrang bad 7 ngut ki kyntup. Baroh ki kyrtong



ki long 272 ngut ha baroh ar tylli ki Autonomous District Council, kata, 253 ngut ki shynrang bad 19 ngut ki kyntup.

Ka jingñew ia ki vote kan sa long ha ka 24 tarik mynta u bnai.

Katkum ka jingai jingkhieñ jong ka tnat District Council Affairs jong ka Sorkar Jylla, ha KHADC kaba don 29 tylli ki Constituency ka don 9,96,518 lak ngut ki nongthep vote ba kyntup ia ki 4,81,268 ngut ki shynrang bad 5,15,247 lak ngut ki kyntup.

Kumjuh ruh ha JHADC kaba don 29 tylli ki Constituency ka don 3,12,300 ngut ki nongthep vote ba kyntup ia ki 1,51,079 ngut ki shynrang bad 1,61,220 ngut ki kyntup.

Ki don ruh 4 ngut ki nongthep vote Third Gender, kata, 3 ha KHADC bad iwei

**Bteng Sla 5**


**Shen yn thungkam ia ki nonghikai, hadien ba ladep pynkhreh ia ka Roster, ong u Director SEL**

**Shillong, Rymphang 20:** Ka Sorkar jylla ka la pyntip ba shen kan pynlong biang ia ka jingthungkam iajan 1000 ngut ki kam hikai kiba la thylli shien ba la pyndep bad ban pynkhreh ia ka roster system.

Haba pyntip ia kane ha ka sngi Palei u Director of School Education & Literacy (DSEL) Swapnil Tembe u la ong, "Kumba ka long mynta dang bishar ia ka roster system bad shisien ba la pynkhreh bad mynjur ngin pyniaid noh shakmat ia kane ka jingthungkam. Ha kaju ruh ka por ha ka long kaba la khreh ban thung kam ia ki nonghikai ha baroh ki kyrdan jong ki skul sorkar."

**Bteng Sla 7**

## 16 tylli ki jaka thep vote bym da shngain bad 14 tylli kiba don jingma ha Ri Bhoi



Ka ADC jong ka Ribhoi Kong Balakynthep Ranee kaba dang kren sha ki lad pathai khabor ha ka sngi Palei.

**Nongpoh, Rymphang 20:** Ki bor synshar District na Ri Bhoi ki la pynbit pynbiang bha ha kaba pynlong ia ka election MDC ha ki 5 tylli ki Constituency ha Ri Bhoi kaba sa long ha ka 21 tarik u Rymphang 2025 bad na ka liang ka bor synshar District ki la peitngor bha bad ruh la pynbiang ia ki bor pahara khang ba kane ka election MDC 2025 kan long kaba iaid beiti iaid ryntih ha kitei ki 5 tylli ki Constituency.

**Bteng Sla 7**

## Ujor lai ngut ki kyrtong ba lah ban mih jingkulmar 3 tylli ki Polling Station

**Jowai, Rymphang, 20:** Lai ngut ki kyrtong na Saphai-Sahnsiang Constituency ki la buh da ka jingujor ha ka sngi Palei ha u Returning Officer ha kaba iadei bad ki lai tylli ki Polling Station kiba lah ban don ha ka jingmih jingkulmar.

Kine ki lai tylli ki Polling Station kiba kyntup ia ka Mooshrot - A, Mooshroot-B bad ka Looksi Kyanmysnar Thlongmoo.

Kine ki lai ngut ki

**Bteng Sla 5**

## Da u Administrator thung ka Sorkar ban khang noh ia ka CMJ University

**Shillong, Rymphang 20:** Ka Sorkar jylla ka la thung da u Administrator ha kaba iadei bad ka jingthmu ban khang noh ia ka CMJ University.

Ia ka jingpynbna la pynmih da u Commissioner & Secretary ba khmih ia ka tnat pule puthi u Vijay Kumar Mantri ha ka sngi Palei ha kaba u la ong, "Haba bud ia ka jingpynmih ka jingbishar da ka Supreme Court of India kaba 13 tarik u Rymphang, 2025 bad katkum ka section

## Bthah ka HC ia ka Trial Court ban lum jubab na ki nongsakhi ha ka jrsieh thungkam nonghikai LP



Shillong, Rymphang, 20: Ka Iingbishar Meghalaya High Court ha ka sngi Palei ka la bthah ia ka Trial Court

ban iaid shakmat ha kaba iadei bad ka jingshim jubab na ki nongai sakhi ha ka bamsap thungkam

nonghikai ha u snem 2009 ba la sei madan da ka Central Bureau of Investigation (CBI).

Ka hukum ba la pynmih da ka Bench kaba khlieh da u Chief Justice IP Mukerji hadien ba la shong bishar ia ka Criminal Case kaba lai ngut ki nongshah mudui kyntup ruh ia ka Myntri ha

**Bteng Sla 7**

## Pynbna ka DCA ia u nombar ba lah ban phone ha ka sngi thep vote

**Shillong, Rymphang 20:** Ha kaba iadei bad ka jingpynlong ia ka General Election, 2025 sha Khasi Hills bad Jaiñtia Hills Autonomous District Councils, na ka liang Deputy Secretary ka sorkar Meghalaya, ba khmih ia ka tnat District Council Affair la pyntip ba ki Contact Number na ka bynta ka Control Room, District Council Affairs Department lah ban pyndonkam ha ka sngi thep vote ka 21 tarik mynta u bnai bad kumjuh ruh ha ka sngi ñiew vote ka 24 tarik mynta u bnai bad u nombar u dei 93669-77602.

## Sa 30 tylli yn pyntreikam ia ki bos STEM ha Shillong, jur ka jingdawa sha Jowai bad Tura



Shillong, Rymphang, 20: Ka jingdawa ka la nang kiew ban leit shaw bad leit on skul ia ki khynnah da ki bos sorkar ba la tip kum ki Sustainable Transport and Efficient Mobility Society (STEMS), da ka thong ban pynduna ia ka jingdheng kali ha nongbah Shillong.

Haba pyntip ia kane ha ka sngi Palei, u Director jong ka School Education & Literacy u Swapnil Tembe u la ong ba ka kynhun STEMs ka la pyntip ba sa kumba 30 tylli ki Bos kin sa wan poi namarba nang jur ka jingdawa ban ai jingshakri.

"Ha ka jingshisha, ngi la ioh ruh ka jingdawa na Jowai bad na Tura na ka bynta ka bynta kane kaju ha jingthmu (ban kit ia ki khynnah skul)," ong u Tembe haba kren sha ki lad pathai khabor.

Ha u snem baladep, ka Sorkar ka la pyntyllun haduh 30 tylli ki Bos watla ha kaba sdang kam pat da don

**Bteng Sla 7**

## Thaw ka DSEL ia ka Committee bakyrpang ban khmih ia ka jingsiew tulop nonghikai

**Shillong, Rymphang 20:** U Director of School Education & Literacy Swapnil Tembe ha ka sngi Palei u la ong ba ka la don ka committee kaba kyrpang hapoh ka DSEL ban pynthikna ba kan don ka jingsiew thikna ia ka tulop ha baroh ki skul.

"Haba kren sha ki lad pathai khabor u Tembe u la ong ba kane ka committee kan shong ka jingialang

## Pynbeit ieng bad iaid kali u SP ha ka sngi thep vote

**Nongstoin, Rymphang, 20:** U Superintendent of Police jong ka West Khasi Hills District, u la pyntip ba khnang ban ym wit ka iaid ka ieng ia ki kali bad ki ophisar kiba rah ia ki EVM machine ha ka sngi thep vote ha ka office jong u District Election Officer (DEO) DC office Nongstoin, la pynlong One Way ia baroh ki kali kiba iaid na Ladweitung (Indoor Stadium) sha DC office bad khlieh iew.

Ki kali kiba poi ha ka Gate ba ha khmat DC office kin iaid sha surok PWD

**Bteng Sla 7**

## Mih ki nongtrei Sorkar ban leit sha ki Polling Station, 40 tylli ki PS ki bym shngain ha EJH



Ki nongtrei sorkar kiba dang khreh ban mih noh ban leit sha la ki jong ki Poling Station.(Dur:Mawphor)

**Khliehriat, Rymphang 20:** Ki kynhun jong ki nongtrei Sorkar naduh ka sngi Balang bad haduh ka janniet sngi Palei ki la mih bad leit sha ki shnong bapther bapther ban pyndep ia ki kamram kiba iadei bad ka jingthep vote ha ki Polling Station na

ka bynta kane ka elekshon sha Jaiñtia Hills Autonomous District Council.

U ADC jong ka East Jaiñtia Hills District Bah G.Warjri bad u Superintendent of Police ka East Jaiñtia Hills District, u Giri Prasad

**Bteng Sla 7**

## Da ka jingiakop 'Peh khaw' yn pynlong ka SRLBCN

**Jowai, Rymphang 19:** Ka Sein Raji Laskein Block Committee Nalariti (SRLBCN), sa shisien kala pynbna ba kan pynlong iaka jingiakop 'Peh khaw' ne ka Dorbar Kynrih Khoo Under 14-18 & Open to All, haka 23 tarik u Rymphang ha Raji Mynkrem Elaka Shangpung West Jaiñtia Hills District, kum shi bynta ban pynkhie im biang ia kane ka rukom hikai jong kiba rim ba jah.

**Bteng Sla 7**

## Ar Constituency ba khleh Khasi bad Garo ha WKH, iano ki paidbah kin jied?

**Nongstoin, Rymphang 20:** Naduh dang step ha ka sngi 21 tarik, ki paibah kin mih na la ki jong ki rympei iing ban leit sha la ki jong ki kong ki polling station ban thep ia ka vote jong ki na ka bynta ban jied ia ki MDC ha kane

ka kynti.

Haba phai sha ki lai tylli ki constituency kiba hap ha West Khasi Hills, dei tang ka Nongstoin kaba dei ka constituency ba na ki 45 hajar tam ki nongthep vote ki don tang katto katne ngut ki bym

dei ki Khasi.

Katba ha ki ar tylli ki constituency ka Rambrai Jyngam bad ka Mawshyruut ki paibah nongthep vote ki la iakhleh lang Khasi bad Garo. Ha kitei ka constitu-

**Bteng Sla 7**

# Ka jingkylla ha ka suiñ bneng ka la ktah bha ia ka sawdong sawkun, ong u Conrad

**Shillong, Rymphang 20:** U Myntri Rangbah ka jylla u Conrad K Sangma u la ong ba ka jingkylla ha ka suiñbneng kam dei tang ka jingeh ha ka sawdong sawkun, hynrei kadei kaba donkam ban ioh ka jingbishar kaba hok.

Haba kren ha ka prokram Climate Investments Coalition for the Global South ha New Delhi, u la ong ba kito kiba la noh synniang ha ka kam ba wanrah ka jingkylla ia ka mariang ki dei kiba mad bha ia ki jingeh bad kumta ka

long kaba kongsan bha ban shim khia ia kane ka bynta.

U la ong ba ka jylla Meghalaya ka la shim khia bha ha kaba iadei kane ka kam jingkylla ka mariang. U la pyntip ruh ba la la don ki lad ki lynti ba la shim da ki nongialam shnong ban pynneh pynsah bad ban tyngkai haba iadei bad ki kam jong ka mariang.

"Ki shnong ki thaw jong ngi kidei kiba iaid bha ia ka mariang, ki tip kumno ban pynneh pynsah, ban iada ia ka mei mariang bad ki

tyllong jong ka," u la ong.

Haba kren shaphang ka jinglong ka bym thikna jong ka mariang, ka jingmih ki jingia shah lynshop mariang kaba la ktah ia ka jingim ki brieve, u la kren ruh shaphang ka jinglah ban tihkna ia ka jingwan jong u slap, ka jingkylla ka mariang kaba ktah ia ka rep ka riang bad ka ioh ka kot jong ki brieve ha kaba ka jylla kam lah ban lait na kane.

"Ka jingkylla ka mariang ka la wanrah ka jingma ha ka ioh ka kot bad ka jingneh ka roi



ka san jong ka lawei kaba iaid lang bad ki jingia ba shisha jong ka Global South," u la ong.

U la ong ruh ba ka Meghalaya ka dei kawe na ki jylla kaba pynneh ia ki khlaw ki btap bad kadei ruh kawe kaba lamkhat ha kaba iadei bad kane bynta.

"Ngi la pyntreikam ia ka programme kum ka Green Meghalaya, Payment for Ecosystem Services (PES) ban pynshur ia ki shnong ha kaba iadei bad ka jingpynneh bad tyngkai ia ki khlaw ki btap bad ka jingia da ia ki

tyllong um," u la ong.

Haba kren shaphang ka jinglong kongsan jong ka jingiatreilang hapdeng ki jylla kane ka thain shatei lammiñgi haba phai sha ki kam ka mariang, u la ong ba ka jinglong kyrpang jong ka jinglong ka mariang ka la wanrah ruh ia kiba ban ki jingshah ktah haba wan ka lye bad u slap uba jur.

"Haba don ka jingia shah lynshop mariang kaba jur ha Arunachal Pradesh ka lah ban ktah ia ka jylla Assam, bad ka jingkiev ka

wah ha Brahmaputra kan wanrah ia ka jingshleu um ym tang ha Assam hynrei ha ki bynta ba shathie jong ka Meghalaya," u la ong.

U la kren ruh halor ka jingdonkam ban iatreilang bad ki ri ha South bad Southeast Asia, khamtam lyngba ka Bay of Bengal Initiative for Multi-Sectoral Technical and Economic Cooperation (BIMSTEC).

U la pyntip ruh halor ka jingpang bad rot kaba la ktah ia ki jaka thung kwai ha Garo Hills bad Western Khasi Hills.